



Broj: A-810/25

Datum: 26.09.2025. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama («Službeni glasnik BiH», broj 39/14, 59/22 i 50/24), na preporuku Komisije za javnu nabavku broj: A-810/25 od 26.09.2025. godine, glavna kantonalna tužiteljica d o n o s i:

## **ODLUKU**

o izboru najpovoljnijeg ponuđača

### **Član 1.**

Prihvata se preporuka Komisije za javnu nabavku izražena u Zapisniku o ocjeni ponuda broj: A-810/25 od 26.09.2025. godine i Ugovor o nabavci radova rekonstrukcije elektroinstalacija u zgradi Kantonalnog tužilaštva Unsko-sanskog kantona – I faza se dodjeljuje ponuđaču MC Stella d.o.o. Velika Kladuša, Trnovačka 10, Velika Kladuša, ID broj: 263089500007, prema ponudi broj: 48-02/2025 od 18.09.2025. godine u iznosu od 83.845,00 KM bez PDV-a.

### **Član 2.**

Nakon pravosnažnosti ove Odluke, nacrt ugovora dostavit će se na potpis izabranom ponuđaču.

### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav 2. Zakona o javnim nabavkama i objavit će se na web stranici Kantonalnog tužilaštva Unsko-sanskog kantona.

## **O b r a z l o ž e n j e**

Postupak javne nabavke rekonstrukcije elektroinstalacija u zgradi Kantonalnog tužilaštva Kantonalnog tužilaštva Unsko-sanskog kantona, pokrenut je Odlukom o pokretanju postupka javne nabavke broj: A-810/25 od 26.08.2025. godine.

Javna nabavka je provedena putem otvorenog postupka. Predmet javne nabavke predviđen je Planom nabavki Kantonalnog tužilaštva Unsko-sanskog kantona za 2025. godinu broj: A-103/25 od 27.01.2025. godine, A-103-1/25 od 15.04.2025. godine, A-103-2/25 od 07.07.2025. godine i A-103-3/25 od 25.08.2025. godine, c) radovi, redni broj: 1. Procijenjena vrijednost javne nabavke je 83.850,00 KM bez PDV-a. Za predmetnu javnu nabavku osigurana su sredstva u Budžetu Unsko-sanskog kantona za 2025. godinu na ekonomskom kodu 821500.

Obavještenje o nabavci broj: 1092-1-3-57-3-19/25 od 28.08.2025. godine dostavljeno je na objavu u Službenom glasniku BiH dana 28.08.2025. godine. Dana 11.09.2025. godine izvršena je izmjena tenderske dokumentacije koja je objavljena portalu javnih nabavki. Do roka određenog za otvaranje ponuda utvrđeno je da su svi ponuđači koji su dostavili ponude preuzeli tendersku dokumentaciju kao i izmjenu tenderske dokumentacije sa portala javnih nabavki (Izvještaj o preuzimanju tenderske dokumentacije od strane ponuđača od 17.09.2025. godine).

Radi provođenja postupka javne nabavke imenovana je Komisija rješenjem glavne kantonalne tužiteljice broj: A-810/25 od 26.09.2025. godine.

Rok za dostavljanje ponuda bio je 18.09.2025. godine u 08:30 sati.

Nakon isteka roka za dostavljanje ponuda evidentirano je da su blagovremeno pristigle dvije ponude i to:

1. A-810/25 br. 1 - ELEKTROVOD d.o.o. Cazin - na protokol lično - 17.09.2025. - 13:18h
2. A-810/25 br. 2 - MC Stella d.o.o. Velika Kladuša - na protokol lično - 18.09.2025. - 07:45h

Komisija za javnu nabavku je dana 18.09.2025. godine u 09:00 sati izvršila javno otvaranje ponuda, a zatim dana 19.09.2025. godinu i ocjenu pristiglih ponuda, kojom prilikom je utvrdila da ponudena cijena ponuđača ELEKTROVOD d.o.o. Cazin iznosi 89.847,77 KM bez PDV-a, dok je procijenjena vrijednost nabavke za predmetne radove 83.850,00 KM bez PDV-a, pa obzirom da ponudena cijena prelazi planirana, odnosno obezbijedena novčana sredstva ugovornog organa za predmetnu nabavku Komisija je ponudu ponuđača ELEKTROVOD d.o.o. Cazin, u skladu sa članom 2. stav 1. tačka 1) Zakona o javnim nabavkama, ocijenila neprihvatljivom za ugovorni organ.

Nadalje, izvršenim uvidom u ponudu ponuđača MC Stella d.o.o. Velika Kladuša Komisija je utvrdila da je navedeni ponuđač u ponudi kao dokaz o ispunjavanju tehničke i profesionalne sposobnosti uz spisak izvršenih ugovora dostavio potvrde u kopijama ovjerene pečatom privrednog društva ponuđača. Kako je u tački 3, podtačka 3.4., pod a) tenderske dokumentacije jasno naznačeno da potvrde moraju biti dostavljene u originalu ili kopiji ovjerenoj od strane nadležnog organa, radi otklanjanja formalnog nedostatka i provjere vjerodostojnosti dokumentacije, u skladu sa članom 68. stav 3. Zakona o javnim nabavkama, od ponuđača MC Stella d.o.o. Velika Kladuša zatraženo je da se dostave original potvrde ili kopije potvrda ovjerene od strane nadležnog organa na uvid. Kako je navedeni ponuđač dostavio blagovremeno traženu dokumentaciju, odnosno dostavio sve već prethodno dostavljane potvrde o realiziranim ugovorima sada ovjerene od strane Gradskog organa uprave, općine Velika Kladuša, nakon izvršene provjere iste, Komisija je utvrdila da ponuda ponuđača MC Stella d.o.o. Velika Kladuša u potpunosti ispunjava sve zahtjeve iz tenderske dokumentacije.

Slijedom utvrđenog Komisija je sačinila sljedeću Rang listu prihvatljivih ponuda:

|    |                                 |                                                                                                                                                                                                        |
|----|---------------------------------|--------------------------------------------------------------------------------------------------------------------------------------------------------------------------------------------------------|
| 1. | MC Stella d.o.o. Velika Kladuša | Cijena ponude bez PDV-a: 83.845,00 KM<br>Ponudeni popust: 0,00 KM<br>Cijena ponude sa uključenim popustom: 83.845,00 KM<br>PDV na cijenu ponude: 14.253,65 KM<br>Ukupna cijena za ugovor: 98.098,65 KM |
|----|---------------------------------|--------------------------------------------------------------------------------------------------------------------------------------------------------------------------------------------------------|

S obzirom na naprijed navedeno Komisija za javnu nabavku je dala preporuku glavnoj kantonalnoj tužiteljici da se ugovor za izvođenje radova rekonstrukcije elektroinstalacija u zgradi Kantonalnog tužilaštva Unsko-sanskog kantona – I faza, shodno kriteriju najniža cijena, dodijeli ponuđaču MC Stella d.o.o. Velika Kladuša u iznosu od 83.845,00 KM bez PDV-a obzirom da jedini dostavio za ugovorni organ prihvatljivu ponudu.

U postupku ocjene provedenog postupka, Ugovorni organ nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Slijedom svega prethodno navedenog odlučeno je kao u dispozitivu.

#### POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove odluke, a u skladu sa čl. 99. i čl. 101. Zakona o javnim nabavkama.

**GLAVNA KANTONALNA TUŽITELJICA**

Mr.sc. Merima Mešanović

Dostaviti:

1. Ponuđačima
2. IKT službeniku radi objave na web stranici
3. a/a